

**Anwar Tarik Balik Saman Terhadap Mohd Saiful
Bernama
12 September, 2012**

KUALA LUMPUR, 12 Sept (Bernama) -- Ketua Pembangkang Datuk Seri Anwar Ibrahim pada Rabu menarik balik samannya terhadap bekas pembantunya Mohd Saiful Bukhari Azlan kerana berniat jahat dengan membuat laporan polis bahawa beliau meliwat Mohd Saiful.

Hakim Mahkamah Tinggi Datuk Su Geok Yiam membatalkan saman itu di dalam kamar semasa kes itu dikemukakan untuk pengurusan kes.

Peguam Ranjit Singh mewakili Anwar manakala peguam Zamri Idrus bagi pihak Mohd Saiful.

Ranjit memberitahu pemberita, Anwar menarik balik saman itu atas asas bahawa reputasi beliau telah dijustifikasikan dengan pembebasannya daripada pertuduhan meliwat itu.

Beliau berkata Anwar menarik balik saman itu dan tidak berhasrat memfailkan saman baharu dan hakim juga menetapkan 9 Okt untuk mendengar isu berkaitan kos perundangan.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=694102>